

Na osnovu člana 13. stav 2. alineja 5., Zakona o principima lokalne samouprave u Federaciji Bosne i Hercegovine („Službene novine Federacije BiH“ br. 49/06 i 51/09), člana 70. stav 1. tačka 2, člana 113. stav 3., Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15 i 9/20), člana 2. i člana 6. Odluke o pokretanju postupka prema dužnicima Općine Vogošća za izmirenje glavnog duga i troškova sudskog postupka uz otpis zakonskih zatezних kamata („Službene novine Kantona Sarajevo“, broj 36/22), Općinsko Vijeće Općine Vogošća, na 21. redovnoj sjednici, održanoj dana 29.12.2022. godine, donijelo je

ODLUKU

O OTPISU ZAKONSKIH ZATEZNIH KAMATA DUŽNIKU HAYAT D.O.O. DRUŠTVO ZA PROIZVODNJU I EMITOVANJE TELEVIZIJSKOG PROGRAMA SARAJEVO

I

Otpisuju se zakonske zatezne kamate dužniku Hayat d.o.o. Društvo za proizvodnju i emitovanje televizijskog programa d.o.o. Sarajevo, ulica Jošanička broj 55. Vogošća, dosuđene Presudom Općinskog suda u Sarajevu, broj : 65 0 Ps 471123 14 Ps od 15.03.2016. godine, na iznos glavnice duga za neisplaćenu naknadu za pogodnost – rentu od 48.666,63 KM i Sudskom nagodbom u predmetu broj 65 0 Ps 749882 19 Ps od 08.06.2020. godine na iznos glavnice duga za neisplaćenu naknadu za pogodnost – rentu od 24.333,33 KM, a koji novčani iznos je dužnik izmirio u cijelosti, kao i troškove izvršnog postupka u iznosu od 1.263,60 KM.

Presudom Općinskog suda u Sarajevu, broj : 65 0 Ps 471123 14 Ps od 15.03.2016. godine, nisu dosuđeni troškovi parničnog postupka.

II

Zadužuje se Pravobranilaštvo Općine Vogošća da Općinskom sudu u Sarajevu, na osnovu ove Odluke dostavi podnesak kojim će predložiti obustavljanje Izvršnog postupka koji se vodi u sudskom predmetu broj: 65 0 lp 750139 20 lp 2.

III

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj:01-02-173-2/22
Vogošća, 29.12.2022. godine

The seal is circular with a blue border containing the text 'Općinsko vijeće Vogošća' and 'Kanton Sarajevo'. In the center is a shield with a scale of justice and a sword. To the right of the seal, the text 'PREDSJEDAVAJUĆI OPĆINSKOG VIJEĆA VOGOŠĆA' is printed in bold. Below this, a signature is written in blue ink, and the name 'Gijlva Avdo' is printed in bold below the signature.

**PREDSJEDAVAJUĆI
OPĆINSKOG VIJEĆA VOGOŠĆA**

Gijlva Avdo